

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՕՐԵՆՔԸ

«ԱԿՑԻԶԱՅԻՆ ՀԱՐԿԻ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ  
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ»

**Հոդված 1.** «Ակցիզային հարկի մասին» Հայաստանի Հանրապետության 2000 թվականի հուլիսի 7-ի ՀՕ-79 օրենքի (այսուհետ՝ Օրենք) 3-րդ հոդվածը՝

1) 1-ին մասում «վառելիքը» բառից հետո լրացնել «քսայուղերը, թեթև մարդատար ավտոմեքենաները» բառերը,

2) լրացնել հետևյալ բովանդակությամբ նոր՝ 6-րդ մասով.

«6. Առանց իրավաբանական անձ ձևավորելու համատեղ գործունեություն իրականացվելու դեպքերում ակցիզային հարկով հարկման ենթակա ապրանքների օտարման մասով ակցիզային հարկ վճարող է համարվում հարկերը հաշվարկելու և վճարելու պարտավորություն ստանձնած անձը:»,

3) լրացնել հետևյալ բովանդակությամբ նոր պարբերությամբ.

«Օրենքով սահմանված դեպքերում և կարգով ակցիզային հարկի հաշվարկման և վճարման պարտավորությունը կարող է դրվել այլ անձանց վրա կամ սահմանվել համապարտ պարտավորություն՝ հարկային պարտավորությունների կատարման մասով:»:

**Հոդված 2.** Օրենքի 4-րդ հոդվածի 1-ին մասը լրացնել հետևյալ բովանդակությամբ նոր՝ «գ» կետով.

«գ) առանց իրավաբանական անձ ձևավորելու համատեղ գործունեություն իրականացնելու համար որպես ներդրում ակցիզային հարկով հարկման ենթակա ապրանքների մատակարարումը, եթե համատեղ գործունեության մասով հարկերը հաշվարկելու և վճարելու պարտավորությունները ստանձնելու մասին հայտարարություն հարկային մարմին չի ներկայացվել:»:

**Հոդված 3.** Օրենքի 5-րդ հոդվածում՝

1) առաջին մասում՝

ա. ԱՏԳ ԱԱ 271019810 ծածկագրին դասվող տողը շարադրել հետևյալ խմբագրությամբ.

271019770-271019990	քսայուղեր	տեղական արտադրության դեպքում՝ բացթողնման գին (առանց ավելացված արժեքի հարկի և ակցիզային հարկի) կամ 1 կգ  ներմուծման դեպքում՝ մաքսային արժեք կամ 1 կգ	30 տոկոս, բայց ոչ պակաս, քան 1 կգ-ի համար 400 դրամ
---------------------	-----------	---	---

բ. աղյուսակի 8703 ծածկագրին դասվող տողը շարադրել հետևյալ խմբագրությամբ.

8703 բացառությամբ 8703 10, 8703 21 101, 8703 21 901,	1-120 ձիաուժ շարժիչի հզորություն ունեցող թեթև մարդատար ավտոմեքենաներ	ներմուծման դեպքում՝ մեկ ձիաուժ	12000 դրամ
8703 22 101, 8703 22 901, 8703 23 199, 8703 23 909, 8703 24 101,	121-250 ձիաուժ շարժիչի հզորություն ունեցող թեթև մարդատար ավտոմեքենաներ	ներմուծման դեպքում՝ մեկ ձիաուժ	17000 դրամ
8703 24 901, 8703 31 101, 8703 31 901, 8703 32 191, 8703 32 901,	251-350 ձիաուժ շարժիչի հզորություն ունեցող թեթև մարդատար ավտոմեքենաներ	ներմուծման դեպքում՝ մեկ ձիաուժ	25000 դրամ
8703 33 191, 8703 33 901, 8703 90 10 և 8703 90 901-ի	351 և ավելի ձիաուժ շարժիչի հզորություն ունեցող թեթև մարդատար ավտոմեքենաներ	ներմուծման դեպքում՝ մեկ ձիաուժ	33000 դրամ

2) լրացնել հետևյալ բովանդակությամբ նոր՝ 8-րդ մաս.

«8. Սույն հոդվածի 1-ին մասի ԱՏԳ ԱԱ 8703 ծածկագրում ներառված՝ 1 տարուց ավել թողարկման տարեթիվ ունեցող թեթև մարդատար ավտոմեքենաների մեկ ձիաուժի համար ակցիզային հարկի դրույքաչափը յուրաքանչյուր տարեթվի համար հաշվարկվում է թողարկման տվյալ տարեթվին հաջորդող թողարկման տարեթվի համար սույն մասին համապատասխան հաշվարկված դրույքաչափը 10 տոկոսով նվազեցնելով:»

3) 10-րդ կետը լրացնել նոր պարբերությամբ՝ հետևյալ բովանդակությամբ.

«Օտարերկրյա պայմանադիր կողմի հետ կնքված՝ նախկինում մաքսային մարմին ներկայացված պայմանագրի շրջանակներում ներմուծումներ իրականացվելու դեպքերում պայմանագրի փոխարեն մաքսային մարմին կարող է ներկայացվել ՀՀ ներմուծվելիք ապրանքների տեսականու և քանակությունների, տարայի տարողության, իսկ սպիրտային խմիչքների դեպքում՝ նաև սպիրտայնության վերաբերյալ տվյալներ պարունակող այլ փաստաթուղթ»:

**Հոդված 4.** Օրենքի 6-րդ հոդվածի 1-ին մասի «դ» կետում «ապրանքների» բառը փոխարինել «ապրանքների, բացառությամբ՝ թեթև մարդատար ավտոմեքենաների,» բառերով:

**Հոդված 5.** Օրենքի 7.1-րդ և 7.2-րդ հոդվածները, 10-րդ հոդվածի 4-րդ մասը ուժը կորցրած ճանաչել:

**Հոդված 6.** Օրենքի 8-րդ հոդվածը լրացնել հետևյալ բովանդակությամբ նոր՝ 9-րդ և 10-րդ մասերով.

«9. Համատեղ գործունեության պայմանագրով համատեղ գործունեության գործերի վարումը օրենքով սահմանված կարգով հարկերը հաշվարկելու և վճարելու պարտավորություն ստանձնած մեկ մասնակցի կողմից վարվելու դեպքում համատեղ գործունեության շրջանակներում իրականացված գործարքների մասով ակցիզային հարկի առանձնացմամբ հարկային հաշիվները դուրս են գրվում հարկերը հաշվարկելու և վճարելու պարտավորություն ստանձնած անձի կողմից:

Համատեղ գործունեության պայմանագրով մեկից ավելի անձի կողմից գործերի վարում նախատեսված լինելու դեպքում համատեղ գործունեության մասով իրականացված գործարքների մասով առանձին մասնակցի

կողմից ակցիզային հարկի առանձնացմամբ հարկային հաշիվներ կարող է դուրս գրվել հարկերը հաշվարկելու և վճարելու պարտավորությունը ստանձնած անձի անունով, համատեղ գործունեության բոլոր մասնակիցների համապատասխան գրավոր համաձայնության առկայության դեպքում:

«10) առանց իրավաբանական անձ ձևավորելու համատեղ գործունեության իրականացման համար տրամադրվող ներդրումներին վերաբերող՝ ձեռք բերված հումքի դիմաց վճարված ակցիզային հարկի գումարները ենթակա չեն հաշվանցման կամ վերադարձման, բացառությամբ՝ սույն օրենքի 4-րդ հոդվածի 1-ին կետի «գ» ենթակետով սահմանված դեպքի: Սույն կետին համապատասխան հաշվանցման ոչ ենթակա ակցիզային հարկի այն գումարները, որոնք նախկինում հաշվանցվել են, վերաձևակերպվում և նվազեցում են հաշվանցվող գումարներից այն հաշվետու ժամանակաշրջանում, որում կատարվել է ներդրումը:»:

**Հոդված 7.** Սույն օրենքն ուժի մեջ է մտնում 2013 թվականի հունվարի 1-ից, բացառությամբ սույն օրենքի 3-րդ հոդվածի 1-ին կետի «բ» ենթակետի:

Սույն օրենքի 3-րդ հոդվածի 1-ին կետի «բ» ենթակետը ուժի մեջ է մտնում 2013 թվականի հուլիսի 1-ից: